

Cantidad di Boa na Aruba a keda stabiel

PARKE Nacional Arikok a tene un conferencia pa duna un resumen di e cantidad di boanan registra den 2012. E total di Boa registra door di Parke tabata 350 y e cantidad cu a keda mata dor di otro ciudadanonan a yega na 150, pues por papia aki di 500 Boa cual ta e mesun cantidad cu 2011 y 2010 unda a yega tambe alrededor di 500 pa 600 Boa cu ta wordo mata pa aña. Tamaño di Boanan ta varia di un pia pa 7 pia largo. Hopi Boa ta wordo mata riba caminda y esakinan tambe ta wordo registra dor di Parke Nacional Arikok. Tin hende ta mata Boa pero nunca ta avisa Parke y e cantidad ey ta wordo calcula na mas o menos 100 Boa pa aña.

Boanan ta aparece na e luganan di mas straño. Aña pasa a atende cu como 7 caso di Boanan pega den auto, manera den hood, dashboard etc. E caso di mas straño tabata den luna di January aña pasa unda a bai yuda na un scol ora un alumno a habri su lessenaar y haya un Boa den dje. A piki Boa tur caminda rond di Aruba entre otro na diferente hotel tambe.

Salvador Franken a splica cu tin temporada cu Boanan ta loops y ta prepara pa werp. Den January cu February e Boanan ta topa pasobra nan ta loops y mas o menos 6 luna despues e Boanan lo nace, esta den lunanan di Juni y Juli. E Parkranger a splica tambe cu no ta Parke a los Boanan den naturalesa. Loke cu Parke a haci a base di estudio ta cu a pone algun chip den e Boanan pa vigila nan movicion den Parke mes. Un Boa mester tin mas o menos dos of tres aña pa haya yiu. Un Boa por haya 30 pa 40 yiu cada biaha, pues si diez Boa werp por haya entre 300 pa 400 Boa extra. Aña pasa tabata tin un accion di gara Boa unda cu pa cada Boa tabata paga 10 florin y a yega casi 150 Boa. Parke a paga pues casi 1500 florin na premio entre esnan cu a gana.

Den parke e personal mes ta atende cu e Boanan cu tin. Segun

Salvador Franken, ainda e aña aki nan lo organisa un campaña probablemente. Sali busca Boa riba caya via yamada a wordo evalua y no ta sali mas despues di 9or di anochi. Awor dor di yobida e Boanan ta sali mas y mas. Diahuebs mes a bai dos diferente hotel pa busca Boa. Un hende no mester spanta un Boa pasobra e por huy of por mordebo y transmiti un malesa pero venenoso si un Boa no ta Asina mes e ta mas agresivo cu cascabel. Tin basta Cascabel y awor nan a cuminsa reproduci bek den Parke. E Cascabel ta wordo protegi ya cu e ta un especie unico. E problema ta cu Boanan ta comiendo cuminda di Cascabel cu ta e.o. e ratonnan.



AWEMainta****
e corant di Toko
Tel: 583-1400 Fax: 583-1444